

## Der Schnarcher

Am Obnd gäihts ind Klappn, wüi überoll,  
denn der Schlof die Kräfte bringa soll  
fünn nächstn Tog mit seina Möih.  
Zu schnell werds leider wider Fröih.

Bei uns, dou is wos Bläids dabei,  
des is döi tolle Schnarcherei.  
Lig ich im Bett, dann gäihts scho oh  
und dou is werkli alles droh.

Ich schnarch, daß glatt mei Falln erzittert  
und spüers genau, daß wider quittert,  
denn scho kröig i an Rippenstouß,  
daß ich mi anders dreha mouß.

Su gäihts beinoh die ganze Nacht,  
arg schnarchend hob ichs rumgebracht.  
Mei Fra stäiht af, vur lauter Wout,  
denn gschlofn hout döi gonnet gout.

" Wennst dei Schnarchn net bal sei läßt,  
dann is beileib es allerbest  
mir schlofn trennt und rouha aus,  
sin zfriedn dann beim Morgenschmaus! "

Su hom mers gmacht!  
Fürwohr die Nacht  
is für uns etz Erholung nett.  
A jeder freit si scho afs Bett!